



## Universitätsbibliothek Paderborn

**D. Bernardi Primi Clarævallensis Abbatis, Ordinis  
Cisterciensium Antesignani, melliflui Ecclesiæ Doctoris  
Sermones In Dominicas & Festa per annum**

**Bernardus <Claraevallensis>**

II. O Juda & Hierusalem nolite timere, cras egrediemini & Dominus erit  
vobiseum.

**urn:nbn:de:hbz:466:1-39254**

## In vigilia Nat. Domini, Sermo II. 59

est quomodo Bethleem Iudæ inveniaris, & iam non in te quidem suscipi deditur. Bethleem quippe *Dominum panis*, Iuda sonat *Confessionem*. Tu ergo si divini Verbi pabulo repleas animam tuam, fideliterque, et si non digna, certè quanta potes devotione suscipias panem illum, qui de cœlo descendit, & dat vitam mundo, Dominicum videlicet Corpus Iesu, ut veterem utrem corporis tui nova illa resurrectionis caro reficiat & sustineat, quatenus novum quod-intus est vinum, hoc solidatus glutino, valeat continere: si denique ex fide vivas, & nequaquam gemere oporteat, quia oblitus sis comedere panem tuum: Bethleem factus es dignus planè susceptione Dominicæ, si tamen confessio non defuerit. Sit proinde Iudæa sanctificatio tua: confessionem & decorem induere, quam maximè stolam in Ministris suis Christus acceptat. Denique breviter tibi utrumque commendat Apostolus: *Corde, inquiens g, creditur ad iustitiam, ore g Rom. 10.c autem confessio fit ad salutem.* Iustitia siquidem in corde, panis in domo. Est enim iustitia panis. Et <sup>b</sup> *Beati qui esuriunt & sitiunt iustitiam, quoniam ipsi saturabuntur.* Sit ergo in corde iustitia, & iustitia quæ ex fide est: hæc enim sola habet gloriam apud DEUM. Sit etiam in ore confessio ad salutem, & securus iam suscipe eum qui in Bethleem Iudæ nascitur, Iesum Christum Filium Dei.

### IN VIGILIA NATIVITATIS DOMINI. SERMO II.

<sup>†</sup> O Iuda & Hierusalem, nolite timere, cras egrediemini, & Dominus erit vobiscum <sup>a</sup>.

**V**eros alloquimur Iudæos, non litera, sed spiritu: semen Abrahæ, cuius multiplicatio sicut promissa legitur, sic videtur impleta. Neque enim filii carnis, sed filii promissionis deputantur in semine. Sed nec illi Hierusalem dicimus, quæ occidit Prophetas <sup>b</sup>. Unde enim illam consolemur, super quam Dominus flevit, quæ data est in subversionem? Illi dicimus, quæ de cœlo nova descendit, *Nolite timere, o Iuda & Hierusalem.* Nolite timere veri Confessores, qui non solum ore, sed toti pariter, & omnī parte Domino confitemini, induiti confessionem sicut vestimentum; immo quorum omnia interiora Domino confitentur, & omnia ossa dicunt, Domine, quis similis tibi <sup>c</sup>? Non sicut hi qui confitentur se nosse Deum, factis autem negant <sup>d</sup>. Vera confessio est, si omnia opera nostra, fratres, opera eius sint, & confiteantur ei. Confiteantur autem gemina quadam confessione, ut duplicibus vestiamini, id est, confessione peccatorum vestrorum, & confessione laudis divinæ. Tunc enim veri Iudæi eritis, si o-

*Bethleem &  
Iude allegori-  
ca expositio.*

*Quomodo su-  
scipiendum  
corpus Domi-  
nicum.*

<sup>†</sup> His verbis  
utitur Eccl.  
in Off. Noct.  
vigil. Nat.  
Dom. pro  
Resp.

<sup>a</sup> 2. Par. 20.d  
<sup>b</sup> Luc. 19.f

<sup>c</sup> Psal. 34.b  
<sup>d</sup> Tit. 1.d  
*Confessio dis-  
plex peccato-  
rum, & divi-  
næ laudis.*

omnis vita vestra confiteatur vos peccatores, & dignos multo maioribus  
pœnis: Deum verò summè bonum, qui pro his levibus & transitoriis pœ-  
nis, æterna condonat supplicia, quæ meruistis. Quisquis enim ardenter  
non desiderat pœnitentiam, videtur operibus dicere, non indigere se pœ-  
nitentia: & ita suam non confitetur culpam, aut non posse prodesse ei pœ-  
nitentiam: sic & divinam non confitetur bonitatē. Vos autem estote ve-  
ri Iudæi, sed Ierusalem vera, ut nihil iam timeatis. Est enim Ierusalem vi-  
sio pacis. Visio, non possessio, cuius fines Dominus posuit pacem, non  
initium sancè, nec medium. Si ergo pacem non habetis, imo quia perse-  
stam in hoc sæculo habere non potestis, saltem videte eam, intuemini,  
considerate, & desiderate eam. Illuc sint oculi cordis vestri, ad pacem se-  
sc dirigit intentio vestra, ut omnia quæcunque faciatis, huius pacis quæ  
exuperat omnem sensum <sup>a</sup>, desiderio faciatis: in omnibus hoc intenda-  
tis, ut reconciliati pacem habeatis ad Deum.

His dicimus, *Nolite timere*, hos confortamur, non eos qui viam pacis  
non cognoverunt. Nam si illis dicitur, *Cras egrediemini*, communatio non  
consolatio erit ista. Soli nimirum dissolvi desiderant, & egredi conceipi-  
scunt, qui pacem vident, & sciunt, si terrestres domus eorum huius ha-  
bitationis dissolvantur, quoniam ædificationem habent ex Deo, & non  
illi qui in insaniam versi suis compedibus delectantur. Deniq; hi tales mor-  
iendo non tam egressi dicendi sunt, quam ingressi: qui non in lucem,  
non in libertatem vadunt, sed in carcere, sed in tenebras, sed in infer-  
num. Vobis autem dicitur: *Nolite timere, cras egrediemini* <sup>b</sup>, & iam non  
erit timor in finibus vestris. Multos quidem habetis hostes: carnem, quia  
nullus potest esse vicinior hostis: præsens sæculum nequam, quod undi-  
que circumfusum est vobis: Principes tenebrarum, qui viam vestram ob-  
sident in aere collocati. Attamen nolite timere, *cras egrediemini*, id est, in  
proximo. Cras enim, in proximo est. Unde & S. Jacob ait <sup>c</sup>: *Cras respon-  
debit mihi iustitia mea*. Tres enim dies sunt de quibus etiam legimus <sup>d</sup>.  
*Vivificabit nos post duos dies, in die tertia resuscitabit nos*. Unus sub Adam,  
alter in Christo, tertius cum Christo. Unde & ibi subditur, *Sciemus se-  
quemurque, ut cognoscamus Dominum*, & hic dicitur, *Cras egrediemini*, & *Do-  
minus erit vobiscum*. His enim dicitur, qui dimidiaverunt dies suos, in  
quibus periret dies in qua nati sunt, quæ est dies Adæ, dies peccati, cui Hie-  
remias quoque maledicebat, dicens <sup>e</sup>: *Maledicta dies in qua natus sum*.  
Omnes enim in illa nascimur. Utinam pereat in nobis omnibus dies illa,  
dies nebulae & caliginis, dies tenebrarum & turbinis, quam nobis fecit A-  
dam, quam fecit inimicus, qui dixit <sup>f</sup>: *Aperientur oculi vestri*.

Ecce verò illuxit nobis dies redemptionis novæ, reparacionis antiquæ,  
felici-

*Ierusalem id  
est, visio pa-  
ciæ, quid se-  
gnificet.*

<sup>a</sup> Philip.4.d

<sup>b</sup> Quib. mors  
in desiderio.

<sup>b</sup> 2. Paralip.  
20. d  
*Tres hostes  
anima.*

<sup>c</sup> Gen. 30.c  
<sup>d</sup> Osee 6.a

<sup>e</sup> Hier. 20.d

<sup>f</sup> Gen. 3.b

## In vigilia Nat. Domini, Sermo II. 61

foelicitatis æternæ. *Hæc est dies quam fecit Dominus, exultemus & letemur in ea*<sup>g</sup>, quia cras egrediemur. Unde? nisi de conclavi huius saeculi, de erga-  
stulo huius corporis, de compedibus necessitatis, curiositatis, vanitatis, &  
voluptatis, quæ et:am invitis nobis pedes tenent affectionis? Quid enim  
spiritui nostro cum terrenis? Cur non spiritualia desiderat, spiritualia quæ-  
rit, spiritualia sapit? O spiritus, qui de iursum estis, quid vobis cum in-  
finis? *Quæ sursum sunt quarite, ubi Christus est in dextera Dei sedens: quæ*  
*sursum sunt sapite, non quæ super terram*<sup>b</sup>. Sed corpus quod corruptitur,<sup>h</sup> *Coloss. 3. a*  
aggravat animam, & deprimit terrena inhabitatio sensum multæ cogitan-  
tem<sup>i</sup>. Necellates multæ miseri huius corporis detinent nos. *Viscus*<sup>j</sup> *Sap. 9. d*  
quidam pravi desiderii, & delectationis terrenæ volare non patitur, & ci-  
tius retrahit mentem, si forte aliquando sublevetur. Sed nolite timere,  
cras egrediemini de lacu miseriæ, & de luto fæcis. Nam ut inde vos edu-  
ceret, infixus est ipse quoque in limo profundi. Nolite ergo timere, cras  
egrediemini de corpore mortis, & de omni corruptione peccati. Agite  
diem istum in Christo, ut ambuletis sicut & ipse ambulavit. *Qui enim di-*  
*cit se in Christo manere: debet sicut ipse ambulavit, & ipse ambulare*<sup>k</sup>. *No-*<sup>k</sup> *Ioan. 2. a*  
*lite ergo timere, quia cras egrediemini, & sic semper cum Domino eritis.*  
Vel quia signanter dictum, & Dominus erit vobiscum: sic intelligamus, ut  
dum sumus in corpore, possimus nos esse cum Domino, id est, adhærere  
eius voluntati, sed non ille nobiscum, ut cōsentiat voluntati nostræ. Vellemus  
enim iam liberi esse, cōcupiscentiam dissolvit, egredi desideramus, sed adhuc  
differt ille certa ex causa. Cras egrediemur, & Dominus erit nobiscum; ut  
quicquid voluerimus velit, & in nullo à nostra voluntate discordet.

Itaque, *Iuda & Ierusalem, nolite timere*, si perfectionem quam desi-  
deratis, nondum potestis adipisci, sed quod minus habet imperfectio con-  
versationis, supplet humilitas confessionis: & imperfectum vestrum vi-  
derunt oculi Dei. Propterea enim mandata sua mandavit custodiri nimis,  
ut videntes imperfectionem nostram deficere, & non posse implere quod  
debet, fugiamus ad misericordiam, & dicamus: *Quoniam melior est misé-*  
*ricordia tua super vitas*<sup>l</sup>, & qui non possumus in vestitu innocentiae seu  
justitiae, appareamus vestiti confessione. *Confessio enim & pulchritudo in*  
*conspictu Domini*<sup>m</sup>, si tamen sit (ut diximus) non oris tantum, sed etiam  
totius hominis, ut omnia ossa nostra dicant: Domine; quis similis sita.  
tibi? Idque solius pacis intuitu, & desiderio reconciliationis ad Deum. *m Psal. 62. a*  
Talibus enim dicitur, *O Iuda & Ierusalem, nolite timere, cras egrediemi-<sup>n</sup>*  
ni, id est, quām cito à corpore exierit anima, omnes simul affectio-  
nes, omnia desideria quibus per universum interim mundum disper-  
sa & ligata tenebatur, dissolventur; & egredietur de visco hoc:

H 3

& Do-

*g Psal. 117. d*  
*Terrenis con-*  
*temptis qua-*  
*renda celestia.*

*l Psal. 118. a\**  
*Cur mandata*  
*Dei tam seve-*  
*rè nobis impa-*

*m Psal. 62. a*

*n Psal. 95. b*

*Corruptela  
nature ex  
peccato.*

& Dominus erit vobiscum. Nimis id quidem vobis videri potest. Si tamen ad vos respicatis, & non ad ea quæ expectant vos. Nonne hoc universus mundus expectat? Creatura enim subiecta est vanitati: & cadente homine quem constituerat Dominus dominum domus suæ, & Principem omnis possessionis suæ, tota simul hæreditas corrupta est. Inde distemperatus aer, terra in operibus Adæ maledicta, & omnia subdita vanitati.

Nec sanè reparabitur hæreditas, donec reparentur hæredes. Unde & iuxta Apostoli testimonium <sup>o</sup>, ingemiscit quoque & parturit usque adhuc. Nec soli utique huic mundo, sed & Angelis & hominibus spectacula sumus. Me, inquit, expectant justi, donec retribuas mibi <sup>p</sup>.

<sup>o Rom. 8. d</sup> Ex martyres cum Iudicii diem postularent, non tanquam vindictæ cupidi, sed perfectionem desiderantes beatitudinis, quam tune habituri sunt, acceperunt divinum responsum <sup>q</sup>: *Sustinet modicum tempus, donec impleatur numerus fratrum vestrorum.* Acceperunt ergo iam singulas stolas, sed non vestientur duplicitibus, donec vestiamur & nos, Vadia tenemus & obfides ipsa eorum corpora, sine quibus consummari non possunt, nec ea recipient sine nobis. Unde de Patriarchis & Prophetis ait Apostolus <sup>r</sup>:

*Deo melius aliquid providente pro nobis, ut non sine nobis consummarentur.* O si cognosceremus & nos quomodo expectant, & quantum desiderant adventum nostrum, quam sollicitè quærunt, quam libenter audiunt bona de nobis?

<sup>q Apoc. 6. c</sup> Quid tamen de his loquor, qui didicerunt ex his quæ passi sunt, compassionem, quando & ipsi nos Angeli sancti desiderant? Nonne de vermiculis estis, & de pulvere isto restaurandi sunt muri cœlestis Ierusalem? Putatis quantum desiderant cives cœlestes instaurari civitatis suæ ruinas? Quomodo solliciti sunt ut veniant lapides vivi, qui coædificentur eis? Quomodo discurrunt mediæ inter nos & Deum, fidelissimè portantes ad eum gémitus nostros, & ipsius nobis gratiam devotissimè reportantes? Planè non dedignabuntur ut simus eorum socii, quorum facti sunt iam ministri. Nonne enim omnes administratorii sunt spiritus <sup>s</sup>, in ministerium missi propter eos qui hæreditatem capiunt salutis?

<sup>r Hebr. 1. d</sup> Festinemus obsecro, dilectissimi, festinemus, tota nos multitudo cœlestis curiæ expectat. Exultare Angelos fecimus quando conversi sumus ad pœnitentiam: proficiamus & festinemus complere de nobis eorum lætitiam. Væ tibi quicunque es qui deliberas redire ad lutum, reverti ad vomitum. Putasne placatos habebis in iudicio, quos tanto & tam sperato privare vis gaudio? Exultaverunt cum nos ad pœnitentiam venimus, tanquam super his quos ab ipsa inferi porta cernerent evocari. Quid nunc erit si ab ipsa

*Angeli quam  
nostræ salutis  
cupidi & stu-  
diosi.*

*Officiora eo-  
rum erga nos  
charitatis.*

<sup>s</sup> *Hebr. 1. d*  
*Sancti in ca-  
eli expectant  
nos.*

ipsa Paradisi janua reverti viderint, & abire retrorsum eos qui iam pedem alterum in Paradiso posuerunt? Nam et si corpora inferius, sed corda sursum.

Currite, Fratres, currite: non soli Angeli, sed & ipse Angelorum *Desiderat nos vos* Creator expectat. Nuptiae paratae sunt sed nondum plena domus: *Deus Pater.* adhuc expectantur, de quibus nuptiae impleantur. Exspectat vos Pater & desiderat, non solum propter nimiam charitatem suam qua dilexit vos: (unde & Unigenitus, qui in simu Patris est, ipse enarravit, *Pater, inquietus <sup>f</sup>, amat vos*) sed propter semetipsum, sicut loquitur per Prophetam: *Propter memetipsum ego faciam, non propter vos\**. Quis enim implementum dubitet quod promisit Filio dicens: *Postula a me, & dabo tibi gentes hereditatem tuam?* Et alibi: *Sede a dextris meis, donec ponam inimicos tuos scabellum pedum tuorum.* Non conterentur omnes inimici eius, dum nos qui sumus membra eius, aliquatenus impugnabunt. Non implebitur haec promissio, donec novissima inimica destruatur mors. Nam de Filio quis nesciat, quantum desideret fructum nativitatis, & totius vitae quam gessit in carne, denique fructum crucis & mortis suae, pretium sanguinis preciosi? Nonne traditurus est regnum Deo & Patri, quod acquisivit? Nonne ei restauratus est creature suas, pro quibus Pater illum misit in terras? Exspectat nos & Spiritus sanctus. Est enim charitas & benignitas, *& Spiritus sanctus,* in qua praedestinati sumus ab aeterno: nec dubium quin praedestinatio nem suam velit impleri.

Ergo quia paratae sunt nuptiae, & omnis nos Curiae celestis frequentia desiderat & expectat, curramus non quasi in incertum: curramus desideriis, & profectu virtutum. Proficere, proficisci est. Dicamus singuli: *Aspice in me, & miserere mei, secundum iudicium diligentium* <sup>x</sup> *Psal. 118. c* *nomen tuum.* Non sicut ego merui, sed sicut illi decreverint, miserere. Dicamus item: *Sicut fuerit voluntas in celo, sic fiat.* Itemque, *Fiat vo-* <sup>y</sup> *I. Mac. 3.* *luntas tuae.* Scimus quoniam scriptum est: *Si Deus pro nobis, quis contra nos?* <sup>z</sup> *Matt. 5.* Aut quis accusabit adversus electos Dei? An non licet, inquit <sup>a</sup> *Rom. 8. f* mihi facere quod volo? Hæc sit interim consolatio nostra, charissimi, donec egrediamur, & Dominus fit nobiscum. Quia magna sua misericordia, ad beatam illam egressionem, & ad clarum illud cras nos perducat, & in hoc quoque proximo cras visitare nos, & nobiscum esse dignetur: ut si quis forte in tentatione qualibet detinetur, ipso miserante qui prædicare venit clavis apertioem cras egrediatur: ut cum gaudio salutari suscipiamus coronam parvuli Regis nostri, ipso præstante qui cum Patre & Spiritu sancto vivit & regnat DEUS per omnia saecula saeculorum, Amen.

IN